

ოზურგეთის მუნიციპალიტეტი



გამარტივებული ელექტრონული ტენდერის აუქციონის გარეშე
საშუალებით კურორტ გომისძეთის წყალმომარაგების სამუშაოების
სახელმწიფო შესყიდვის

სატენდერო დოკუმენტაცია

(CPV45200000)

2016 წელი

ქ. ოზურგეთი

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების შესაბამისად.

1.2 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულობა).

1.5 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.6 პრედენდენტს არა აქვს უფლება წარმოადგინოს ალტერნატიული წინადადება

2. ტექნიკური დოკუმენტაცია

2.1. საკვალიფიკაციო მოთხოვნები:

საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი ცნობები და დოკუმენტები:

2.1.1. იურიდიული პირებისათვის:

- ა) ცნობა მეწარმეთა და არასამეწარმეო (არაკომერციული) იურიდიულ პირთა რეესტრიდან, რომ არ ხორციელდება იურიდიული პირის რეორგანიზაცია ან ლიკვიდაცია
- ბ) ცნობა საქართველოს საჯარო რეესტრის ეროვნული სააგენტოდან, იურიდიული პირის ქონებაზე საჯარო სამართლებრივი შეზღუდვის (ყადაღის) არარსებობის შესახებ;
- გ) ცნობა უფლებამოსილი ორგანოდან, რომ იურიდიული პირის მიმართ არ მიმდინარეობს გადახდისუუნარობის საქმის წარმოება;

2.1.2. ფიზიკური პირებისათვის:

- ა) პირადობის დამადასტურებელი დოკუმენტის ასლი;
- ბ) ცნობა უფლებამოსილი ორგანოებიდან, რომ ფიზიკური პირის მიმართ არ მიმდინარეობს გადახდისუუნარობის საქმის წარმოება;
- გ) ცნობა შესაბამისი უფლებამოსილი, ლიცენზირებული სამედიცინო დაწესებულებიდან, რომ მას მთლიანად ან ნაწილობრივ არ აქვს შეზღუდული ქმედითუნარიანობა.

2.1.3. როგორც იურიდიული, ასევე ფიზიკური პირებისათვის:

- ა) რეკვიზიტები და სატენდერო წინადადების ფასი (დანართი N1);
- ბ) ინფორმაცია ანალოგიური სამუშაოების შესრულების გამოცდილების შესახებ (დანართი N2);

პრეტენდენტს 2013 წლის იანვრიდან ტენდერის გამოცხადების დღემდე შესრულებული უნდა ჰქონდეს **არანაკლებ 3 000 000 (სამი მილიონი) ლარის ღირებულების ანალოგიური სამუშაოები (სასმელი წყლის წყალმომარაგების სისტემის მშენებლობა), მათ შორის - პროექტის სავარაუდო ღირებულებით განსაზღვრული ან მეტი მოცულობის ერთი სამუშაო მაინც.** აღნიშნულის დასადასტურებლად პრეტენდენტმა სისტემაში უნდა ატვირთოს შესაბამისი სამუშაოების შესრულებაზე გაფორმებული ხელშეკრულებ(ებ)ი და მიღება ჩაბარების აქტ(ებ)ი.

- გ) ინფორმაცია პერსონალის კვალიფიკაციისა და გამოცდილების შესახებ (დანართი N3);
- დ) ინფორმაცია მატერიალურ-ტექნიკური ბაზის შესახებ (დანართი N4);
- ე) სამუშაოთა წარმოების გეგმა-გრაფიკი (რომელიც საბოლოო სახეს მიიღებს ხელშეკრულების გაფორმების დროს) (დანართი N5);
- ვ) შევსებული ხარჯთაღრიცხვა.

შენიშვნა 1: გამარჯვებული მიმწოდებლის მიერ სისტემაში დაფიქსირებულ საბოლოო ფასსა და სავარაუდო ღირებულებას შორის 20%-ით და მეტი სხვაობის შემთხვევაში, მასალებისა და მოწყობილობების საბაზრო ღირებულებისაგან მკვეთრი განსხვავების შემთხვევაში, მიმწოდებელმა უნდა დაასაბუთოს ფასწარმოქმნის ადეკვატურობა და ამ ფასად მიწოდების შესაძლებლობა, რისთვისაც მიმწოდებელი ვალდებულია შემსყიდველის მიერ მოთხოვნილ ვადაში წარმოადგინოს ლ. სამხარაულის სახელობის სასამართლო ექსპერტიზის ბიუროს ან სხვა აკრედიტებული ექსპერტის დადებითი დასკვნა შემოთავაზებული ფასით სამუშაოს შესრულების ადეკვატურობაზე. ზემოხსენებული ექსპერტის დასკვნის წარმოდგენილობა გამოიწვევს შესაბამისი მიმწოდებლის დისკვალიფიკაციას.

2.2 სატენდერო წინადადების ფასი არ უნდა აღემატებოდეს შესყიდვის სავარაუდო ღირებულებას ან უნდა იყოს შესყიდვის სავარაუდო ღირებულებაზე სულ მცირე ერთი ბიჯით ნაკლები. ტექნიკური დოკუმენტაციის ატვირთვისა და წინადადების ფასის მითითების შემდეგ, დაუშვებელია ატვირთული ტექნიკური დოკუმენტაციის სისტემის მეშვეობით შეცვლა, გაუქმება ან წაშლა.

3. ანგარიშსწორების პირობები:

3.1. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

3.2. „მიმწოდებელთან“ ანგარიშსწორება განხორციელდება ეროვნულ ვალუტაში;

3.3. შესყიდვის ობიექტის ღირებულების ანაზღაურება მოხდება უნაღდო ანგარიშსწორებით;

3.4. მიმწოდებლის მოთხოვნის შემთხვევაში შემსყიდველი განახორციელებს წინასწარ ანგარიშსწორებას, სახელშეკრულებო ღირებულების 30%-ის ოდენობით, შესაბამის თანხაზე ბანკის მიერ გაცემული უპირობო საბანკო გარანტიის წარმოდგენის შემთხვევაში.

3.5. შემსრულებელს ავანსად მიღებული თანხა დაუკავდება ეტაპობრივად - შესრულებული სამუშაოს ღირებულების შესაბამისად.

3.6. ანგარიშსწორება „შემსყიდველის“ მიერ მოხდება ეტაპობრივად, შესრულებულ სამუშაოზე „ფორმა №2“-ისა და შესრულებულ სამუშაოზე გაფორმებული აქტის საფუძველზე, შესაბამისი დოკუმენტაციის წარმოდგენიდან 10 (ათი) სამუშაო დღის განმავლობაში.

3.7. შუალედური ანაზღაურება განხორციელდება არაუმეტეს ნაზარდი ჯამით სახელშეკრულებო ღირებულების 80 %-სა.

3.8. საბოლოო ანაზღაურება მოხდება შესრულებულ სამუშაოზე გაფორმებული საბოლოო მიღება-ჩაბარების აქტის შემდეგ, რომელსაც თან უნდა ერთვოდეს ლ. სამხარაულის სახელობის სასამართლო ექსპერტიზის ბიურო ან სხვა აკრედიტებული ექსპერტის მიერ გაცემული დადებითი დასკვნა შესრულებული სამუშაოს ხარისხისა და საპროექტო მოთხოვნებთან შესაბამისობის შესახებ.

3.9. შესრულებული სამუშაოს მთლიანი ღირებულებიდან 2016 წელს ანაზღაურდება 200 000 (ორასიათასი) ლარის ოდენობით (იმის გათვალისწინებით რომ ანგარიშსწორება მოხდეს დროულად 2016 წელს, საანგარიშსწორებო დოკუმენტაცია წარმოდგენილი უნდა იყოს არაუგვიანეს 2016 წლის 20 დეკემბრისა). სხვა დანარჩენი თანხების ანაზღაურება მოხდება 2017 წელს ეტაპობრივად-შესრულებული სამუშაოს მოცულობის/ღირებულების შესაბამისად.

3.10. პრეტენდენტი ვალდებულია შესასრულებელი სამუშაოებიდან პირველ ეტაპზე - 2016 წელს აუცილებლად უნდა შესრულდეს - „რეზერვუარის მოწყობის სამუშაოები“ მთლიანად.

3.11. ტენდერში გამოყენებული იქნება სატენდერო წინადადების უზრუნველყოფის საბანკო გარანტია, რომელიც უნდა იქნას წარმოდგენილი სატენდერო განცხადებაში მითითებული სავარაუდო ღირებულების 1%-ის ოდენობით და მოქმედების ვადა უნდა შეესაბამებოდეს „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების მე-16 მუხლის მე-2 პუნქტის მოთხოვნებს.

3.12. გამოყენებული იქნება ხელშეკრულების შესრულების უზრუნველყოფის საბანკო გარანტიების მექანიზმი, (საბანკო გარანტია უნდა იყოს გაცემული ბანკის მიერ) სახელშეკრულებო ღირებულების 3%-ის ოდენობით, ხოლო გამარჯვებული მიმწოდებლის მიერ სისტემაში დაფიქსირებულ საბოლოო ფასსა და სავარაუდო ღირებულებას შორის 20%-ით და მეტი სხვაობის შემთხვევაში სახელშეკრულებო ღირებულების 10%-ის ოდენობით. ხელშეკრულების შესრულების უზრუნველყოფის გარანტიის ძალაში ყოფნის ვადა შესყიდვის ობიექტის მიწოდების ვადას უნდა აღემატებოდეს არანაკლებ 60 დღით.

3.13. ხელშეკრულებით გათვალისწინებული პირობების დარღვევისათვის ჯარიმის/პირგასამტეხლოს დაკისრების შემთხვევაში შემსყიდველი უფლებამოსილია დააკავოს ასანაზღაურებელი თანხა ჯარიმის/პირგასამტეხლოს გადახდამდე.

3.14. დაფინანსების წყაროს წარმოადგენს: 95% - სახელმწიფო ბიუჯეტი, ხოლო 5% დაფინანსდება მუნიციპალიტეტის ადგილობრივი ბიუჯეტის სახსრებიდან.

4. შესასრულებელი სამუშაო

4.1. კურორტ გომისმთის წყალმომარაგების მოწყობის სამუშაოები.

5. ტექნიკური დავალება:

- 5.1. შესყიდვის ობიექტის ტექნიკური პარამეტრები და აღწერილობა მოცემულია თანდართულ საპროექტო-სახარჯთაღრიცხვო დოკუმენტაციაში.
- 5.2. სამუშაოს შესრულებისას დაცული უნდა იყოს უსაფრთხოებისა და გარემოს დაცვის ნორმები.
- 5.3. სამუშაოების პარალელურად შემსრულებლის ძალებით და სახსრებით სამუშაო მოედანი პერიოდულად უნდა გათავისუფლდეს სამშენებლო ნაგვისაგან, ნარჩენი მასალებისაგან, დროებითი ნაგებობებისაგან და ა.შ.

6. ტექნიკური დოკუმენტაცია

- 6.1. ინფორმაცია მატერიალურ-ტექნიკური აღჭურვილობის შესახებ უნდა მოიცავდეს სამუშაოების ჩასატარებლად საჭირო მექანიზმებსა და მოწყობილობების ჩამონათვალს და უნდა აიტვირთოს ერთიან ელექტრონულ სისტემაში.
- 6.2. პრეტენდენტს ტენდერით გათვალისწინებული სამუშაოების შესასრულებლად, საკუთრებაში უნდა გააჩნდეს, ქვემოთ ჩამოთვლილი ტექნიკა, რომლის დამადასტურებელი დოკუმენტები უნდა აიტვირთოს ერთიან ელექტრონულ სისტემაში.

№	დასახელება	რაოდენობა
1	ექსკავატორი	1
2	ბულდოზერი	1
3	ავტოთვიტმცლელი	1

7. მოთხოვნები პერსონალის კვალიფიკაციის და გამოცდილების შესახებ:

- 7.1. შემსრულებელს უნდა ყავდეს მინიმუმ 1 ინჟინერი ანალოგიური სამუშაოების ჩატარებაზე სულ მცირე ხუთწლიანი გამოცდილებით.

8. მიწოდების პირობები და ვადები:

- 8.1. სამუშაოები უნდა შესრულდეს მიმწოდებლის მიერ წარმოდგენილი გეგმა-გრაფიკის შესაბამისად, წინააღმდეგ შემთხვევაში გამოყენებული იქნება ხელშეკრულებით განსაზღვრული ხელშეკრულების პირობების შეუსრულებლობისათვის განსაზღვრული საჯარიმო სანქციები.
- 8.2. სახელშეკრულებო ობიექტზე შემსრულებელმა უნდა აწარმოოს სამუშაოთა წარმოების ჟურნალი.
- 8.3. სამუშაოს (ეტაპის) მიღება განხორციელდება შემსყიდველისა და მიმწოდებლის უფლებამოსილი წარმომადგენლის თანდასწრებით, რაზედაც შედგება უფლებამოსილი წარმომადგენლების ხელწერებით დამოწმებული შესაბამისი აქტი.
- 8.4. ობიექტის საბოლოო მიღების აქტს უნდა ერთვოდეს ლ. სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტირებული ექსპერტიზის მიერ დადებითი დასკვნა შესრულებული სამუშაოს საპროექტო დოკუმენტაციასთან შესაბამისობის შესახებ.
- 8.5. ექსპერტიზის დასკვნის ხარჯებს აანაზღაურებს მიმწოდებელი.
- 8.6. სამუშაოს დასრულების საბოლოო ვადა განისაზღვრება, შესრულებული სამუშაოს ექსპერტიზის დადებითი დასკვნის წარმოდგენის ჩათვლით, ხელშეკრულების გაფორმებიდან 2017 წლის 20 დეკემბრის ჩათვლით.

9. შესყიდვის ობიექტის ხარისხი და გარანტია

- 9.1. შესყიდვის ობიექტის ხარისხის დასადასტურებლად მომწოდებელმა უნდა წარმოადგინოს ლევან სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტირებული ექსპერტიზის მიერ დადებითი დასკვნა შესრულებული სამუშაოს საპროექტო სახარჯთაღრიცხვო დოკუმენტაციასთან შესაბამისობაზე; ექსპერტიზის ხარჯებს აანაზღაურებს „მიმწოდებელი“.

9.2. შესრულებული სამუშოს საგარანტიო ვადა, რომლის განმავლობაშიც მიმწოდებელი ვალდებულია საკუთარი სახსრებით აღმოფხვრას (დაუყოვნებლივ - გონივრულ ვადაში) გამოვლენილი დეფექტები, შეადგენს საბოლოო მიღება-ჩაბარების აქტის გაფორმებიდან 5 (ხუთი) წელს.

10. მხარეთა პასუხისმგებლობა ხელშეკრულების დარღვევისას

10.1. მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

10.2 ხელშეკრულებით განსაზღვრული ვადების დარღვევის შემთხვევაში ყოველი ვადაგადაცილებულ დღეზე დამრღვევ მხარეს ეკისრება პირგასამტეხლო შეუსრულებელი ვალდებულების ღირებულების 0.1% ოდენობით.

10.3. თუ დამრღვევი მხარეს მიერ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 2%-ს, დაზარალებულ მხარეს უფლება აქვს შეწყვიტოს ხელშეკრულება.

10.3. ხელშეკრულების შეუსრულებლობით შეწყვეტის შემთხვევაში, დამრღვევ მხარეს ეკისრება პირგასამტეხლოს გადახდა ხელშეკრულების საერთო ღირებულების 10 (ათი) პროცენტის ოდენობით;

10.4. სამუშაოების წარმოების გეგმა-გრაფიკის დარღვევის შემთხვევაში მიმწოდებელს დაეკისრება პირგასამტეხლო სატენდერო დოკუმენტაციის „10.2.“ პუნქტით განსაზღვრული ოდენობის შესაბამისად. პირგასამტეხლოს დარიცხვა შეიძლება გაგრძელდეს 7 კალენდარული დღის განმავლობაში, ამის შემდეგ დგება ახალი გეგმა -გრაფიკი.

10.5. სამუშაოების წარმოების გეგმა გრაფიკის 2-ჯერ დარღვევის შემთხვევაში შემსყიდველი უფლებამოსილია შეწყვიტოს ხელშეკრულება.

11. დამატებითი ინფორმაცია:

11.1. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, ქ. ოზურგეთი, კოსტავას №1.

11.2. ქ. ოზურგეთი, კოსტავას ქ. №1, საკონტაქტო პირი: ოზურგეთის მუნიციპალიტეტის სატენდერო კომისიის აპარატის წევრი - თამარ ლომთათიძე. ტელ.: 599 67 07 80;

E-Mail: oz.sheskidvebi@gmail.com

პრეტენდენტის მიერ სატენდერო წინადადების წარმოდგენა ნიშნავს, რომ იგი ეთანხმება შემსყიდველის ყველა იმ მოთხოვნას, რომელიც აღწერილია სატენდერო დოკუმენტაციაში.

12. ხელშეკრულება სახელმწიფო შესყიდვის შესახებ № ----- (პროექტი)

(ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების დროს)

ქ. ოზურგეთი

----- 2016 წელი

ერთის მხრივ ოზურგეთის მუნიციპალიტეტი (შემდგომში „შემსყიდველი“), წარმოდგენილი საკრებულოს თავმჯდომარის ავთანდილ სურგულაძის სახით და მეორეს მხრივ ----- (შემდგომში „მიმწოდებელი“), წარმოდგენილი ----- სახით, ვხელმძღვანელობთ რა საქართველოში მოქმედი კანონმდებლობით, შემსყიდველის მიერ ჩატარებული ელექტრონული ტენდერის (SPA-----) საფუძველზე, ვდებთ წინამდებარე ხელშეკრულებას შემდეგზე:

1. ხელშეკრულების საგანი

1.1. სამუშაოები ნაწილობრივი ან მთლიანი სამუშაოებისათვის და სამოქალაქო მშენებლობის სამუშაოები (CPV კოდი - 45200000)

2. შესყიდვის ობიექტი

2.1. კურორტ გომისმთის წყალმომარაგების მოწყობის სამუშაოები.

3. ხელშეკრულების საერთო ღირებულება

3.1. ხელშეკრულების საერთო ღირებულება შეადგენს ----- (-----) ლარს.

3.2. ხელშეკრულების საერთო ღირებულება მოიცავს მიმწოდებლისათვის მოქმედი კანონმდებლობით განსაზღვრულ ყველა გადასახდელს.

4. შესყიდვის ობიექტის მიწოდების ვადები, ადგილი და პირობები

4.1. შესყიდვის ობიექტის მიწოდების საბოლოო ვადაა **2017 წლის -----**.

4.2. შესყიდვის ობიექტის მიწოდების ადგილია: ოზურგეთის მუნიციპალიტეტი.

4.3. შესყიდვის ობიექტი მიწოდებულად ითვლება ორმხრივ ხელმოწერილი მიღება-ჩაბარების აქტის გაფორმების შემდეგ. შემსყიდველის მხრიდან მიღება-ჩაბარების აქტს ხელს აწერს შემსყიდველის მიერ შექმნილი ინსპექტირების ჯგუფი.

5. ხელშეკრულების მოქმედების ვადა

5.1 ხელშეკრულება ძალაშია მისი ხელმოწერის დღიდან და მოქმედებს -----

6. შესყიდვის ობიექტის მიღება-ჩაბარების წესი

6.1. შესრულებული სამუშაოს (ეტაპის) ჩაბარება ხორციელდება ეტაპობრივად, შესრულებულ სამუშაოზე შედგენილი მხარეების უფლებამოსილი წარმომადგენლების მიერ დამოწმებული შესაბამისი აქტის საშუალებით.

6.2. სამუშაოს (ეტაპის) დასრულების შემდეგ მიმწოდებელი წერილობით მიმართავს შემსყიდველს, წერილს თან უნდა ერთვოდეს შესყიდვის ობიექტის მიღებისათვის საჭირო ყველა დოკუმენტი.

6.3. მიმწოდებელმა ინსპექტირების პერიოდში უნდა უზრუნველყოს შემსყიდველის მიერ უფლებამოსილი ინსპექტირების ჯგუფის წევრების შესყიდვის ობიექტის ადგილზე ტრანსპორტირება.

6.4. შესყიდვის ობიექტის საბოლოო მიღებისათვის მიმწოდებელმა უნდა წარმოადგინოს ლ. სამხარაულის სახელობის სასამართლო ექსპერტიზის ეროვნული ბიუროს მიერ გაცემული დადებითი დასკვნა შესრულებული სამუშაოს ხარისხისა და საპროექტო მოთხოვნებთან შესაბამისობის შესახებ. (ექსპერტიზის ბიუროს დასკვნების ხარჯებს ანაზღაურებს შემსრულებელი).

6.5. ფარული სამუშაოს შესრულების შემთხვევაში შემსყიდველის მიერ უფლებამოსილი წარმომადგენლის

თანდასწრებით უნდა შედგეს შესაბამისი აქტი, რომელსაც უნდა ერთოდეს სამუშაოს შესრულების ამსახველი ფოტომასალა, სადაც ასახული იქნება სამუშაოს ყველა ეტაპი (დაწყებამდე, მიმდინარეობის პროცესი, დასრულების შემდეგ).

6.6. სამუშაოთა შესრულება უნდა მოხდეს მომწოდებლის მიერ წარმოდგენილი სამუშაოთა შესრულების გეგმა-გრაფიკის მიხედვით, წინააღმდეგ შემთხვევაში გამოყენებული იქნება ხელშეკრულების მე-10 მუხლით გათვალისწინებული ჯარიმები.

7. შესყიდვის ობიექტის ხარისხი და გარანტია

7.1. შესყიდვის ობიექტის ხარისხის დასადასტურებლად მომწოდებელმა უნდა წარმოადგინოს ლევან სამხარაულის სახელობის სასამართლო ექსპერტიზის ეროვნული ბიუროს დადებითი დასკვნა შესრულებული სამუშაოს ხარისხისა და მოცულობის საპროექტო სახარჯთაღრიცხვო დოკუმენტაციასთან მიმართებაში შესაბამისობაზე.

7.2. ექსპერტიზის ხარჯებს ანაზღაურებს „შემსრულებელი“.

7.3. შესრულებული სამუშაოს საგარანტიო ვადა, რომლის განმავლობაშიც მიმწოდებელი ვალდებულია საკუთარი სახსრებით აღმოფხვრას გამოვლენილი დეფექტები, შეადგენს 5 (ხუთი) წელს.

8. ანგარიშსწორების ფორმა, გრაფიკი (ვადები)

8.1. „მიმწოდებელთან“ ანგარიშსწორება განხორციელდება ეროვნულ ვალუტაში;

8.2. შესყიდვის ობიექტის ღირებულების ანაზღაურება მოხდება უნაღდო ანგარიშსწორებით;

8.3. მიმწოდებლის მოთხოვნის შემთხვევაში შემსყიდველი განახორციელებს წინასწარ ანგარიშსწორებას, სახელშეკრულებო ღირებულების 30%-ის ოდენობით, შესაბამის თანხაზე ბანკის მიერ გაცემული უპირობო საბანკო გარანტიის წარმოდგენის შემთხვევაში.

8.4. შემსრულებელს ავანსად მიღებული თანხა დაუკავდება ეტაპობრივად - შესრულებული სამუშაოს ღირებულების შესაბამისად.

8.5. ანგარიშსწორება „შემსყიდველის“ მიერ მოხდება ეტაპობრივად, შესრულებულ სამუშაოზე „ფორმა №2“-ისა და შესრულებულ სამუშაოზე გაფორმებული აქტის საფუძველზე, შესაბამისი დოკუმენტაციის წარმოდგენიდან 10 (ათი) სამუშაო დღის განმავლობაში.

8.6. შუალედური ანაზღაურება განხორციელდება არაუმეტეს ნაზარდი ჯამით სახელშეკრულებო ღირებულების 80 %-სა.

8.7. საბოლოო ანაზღაურება მოხდება შესრულებულ სამუშაოზე გაფორმებული საბოლოო მიღება-ჩაბარების აქტის შემდეგ, რომელსაც თან უნდა ერთვოდეს ექსპერტის მიერ გაცემული დადებითი დასკვნა შესრულებული სამუშაოს საპროექტო მოთხოვნებთან შესაბამისობის შესახებ.

9. მხარეთა უფლება-მოვალეობანი

9.1. „შემსყიდველი“ ვალდებულია:

- გადასცეს მიმწოდებელს ინფორმაცია შესყიდვის ობიექტის მიწოდებასთან დაკავშირებული ყველა არსებითი გარემოების შესახებ;

- ანაზღაუროს შესრულებული სამუშაოს ღირებულება ხელშეკრულების 8.8. პუნქტის შესაბამისად.

9.2.. „შესყიდველს“ უფლება აქვს:

- განახორციელოს კონტროლი და ზედამხედველობა „მიმწოდებლის“ მიერ ხელშეკრულების პირობების დაცვაზე;

- საქართველოს კანონმდებლობის შესაბამისად შეაჩეროს ან შეწყვიტოს სახელმწიფო შესყიდვის შესახებ დადებული ხელშეკრულების მოქმედება.

9.3. „მიმწოდებელი“ ვალდებულია:

- დაიცვას ხელშეკრულებით გათვალისწინებული ყველა პირობა;

- დააკმაყოფილოს „შემსყიდველის“ მოთხოვნა დამატებითი მონაცემებისა და გარანტიების წარმოდგენის შესახებ კანონმდებლობით დადგენილი წესით;

- სამუშაოების პარალელურად მისი ძალებითა და სახსრებით სამუშაო მოედანი პერიოდულად გათავისუფლოს სამშენებლო ნაგვისაგან, ნარჩენი მასალებისაგან, დროებითი ნაგებობებისაგან და ა.შ.

9.4. „მიმწოდებელს“ უფლება აქვს:

- მოთხოვოს „შემსყიდველს“ გაწეული მომსახურების შუალედური და საბოლოო ანაზღაურება ხელშეკრულებით გათვალისწინებული პირობებით.

10. მხარეთა პასუხისმგებლობა ხელშეკრულების დარღვევისას

10.1. მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

10.2 ხელშეკრულებით განსაზღვრული ვადების დარღვევის შემთხვევაში ყოველი ვადაგადაცილებულ დღეზე დამრღვევ მხარეს ეკისრება პირგასამტეხლო შეუსრულებელი ვალდებულების ღირებულების 0.1% ოდენობით. იმ შემთხვევაში, თუ „მიმწოდებლის“ მიერ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 3%-ს, „შემსყიდველს“ უფლება აქვს შეწყვიტოს ხელშეკრულება.

10.3 შემსყიდველი უფლებამოსილია შეწყვიტოს ხელშეკრულება ნაკისრი ვალდებულებების შეუსრულებლობის შემთხვევაში. აღნიშნულ შემთხვევაში, „მიმწოდებელს“ ეკისრება პირგასამტეხლოს გადახდა ხელშეკრულების საერთო ღირებულების 10 პროცენტის ოდენობით;

10.4. ხელშეკრულების პირობების შეუსრულებლობისათვის, მიმწოდებლის დაჯარიმების შემთხვევაში, შემსყიდველი იტოვებს უფლებას ფაქტიურად შესრულებული სამუშაოს ასანაზღაურებელი თანხიდან, საჯარიმო სანქციების თანხა პირდაპირ გადარიცხოს არასაგადასახადო ანგარიშსწორების ერთიან ანგარიშზე სახელმწიფო ხაზინაში.

11. ხელშეკრულების შესრულების გარანტია

11.1 ხელშეკრულების შესრულების უზრუნველყოფის მიზნით მიმწოდებელი წარადგენს ხელშეკრულების შესრულების უზრუნველყოფის საბანკო გარანტიას ხელშეკრულების საერთო ღირებულების ----%-ის ოდენობით.

11.2 ხელშეკრულების შესრულების უზრუნველყოფის საბანკო გარანტიის ძალაში ყოფნის ვადა შესყიდვის ობიექტის მიწოდების ვადას უნდა აღემატებოდეს არანაკლებ 30 დღით.

11.3. ხელშეკრულების შესრულების უზრუნველყოფის მიზნით მიმწოდებლის მიერ წარმოდგენილი გარანტია გამოიყენება ნებისმიერი ზიანის ასანაზღაურებლად, რომელიც მიაღება „შემსყიდველს“ ან მესამე პირს მიმწოდებლის მიერ ხელშეკრულების პირობების შეუსრულებლობის ან არასრული შესრულების გამო.

11.4. „მიმწოდებელს“ გარანტია არ უბრუნდება თუ „მიმწოდებლის“ მიერ ნაკისრი ვალდებულებების შეუსრულებლობის ან არასრული შესრულების გამო, „შემსყიდველის“ ან მესამე პირის მიერ მიღებული ზარალი აღემატება გარანტიით წარმოდგენილ თანხას. ხოლო, თუ „შემსყიდველის“ ან მესამე პირის მიერ მიღებული ზიანი იქნება გარანტიით წარმოდგენილ თანხაზე ნაკლები, ამ შემთხვევაში მიყენებული ზიანი დაიფარება საგარანტიო თანხიდან, და გარანტია დაუბრუნდება „მიმწოდებელს“. იმ შემთხვევაში, თუ ხელშეკრულების მოქმედება შეწყდება „მიმწოდებლისაგან“ დამოუკიდებელი მიზეზებით, „შემსყიდველი“ უზრუნველყოფს გარანტიის დაუყოვნებლივ დაბრუნებას.

12. ხელშეკრულების პირობების გადასინჯვის შესაძლებლობა

12.1 არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორებების გარდა.

12.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12.3. წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

12.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების საერთო ღირებულების 10%-ზე მეტი ოდენობის გაზრდა;

12.5. ხელშეკრულებაში პირობების ცვლილება ფორმდება დანართის სახით და წარმოადგენს ხელშეკრულების განუყოფელ ნაწილს.

13. ხელშეკრულების შესრულების შეფერხება

13.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

13.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

14. ფორს-მაჟორი

14.1. მხარეები არ არიან პასუხისმგებელი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწვეს შესაბამისი დროით, გარემოებათა დასრულების შემდეგ.

14.2. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

14.3. მხარე, რომელსაც შეექმნა ფორს-მაჟორული გარემოება დაუყოვნებლივ წერილობით აცნობებს ამის შესახებ მეორე მხარეს.

15. დავები და მათი გადაწყვეტის წესი

15.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

15.2. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

16. ხელშეკრულების პირობების შესრულების კონტროლი

16.1. „შემსყიდველი“ უფლებამოსილია შესყიდვის ობიექტის მიწოდების პარალელურად განახორციელოს შემოწმება, რომლის მიზანია მიწოდებული შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და „შემსყიდველის“ მოთხოვნებთან.

16.2. ხელშეკრულების პირობების შესრულების კონტროლს შემსყიდველის მხრიდან განახორციელებს შემსყიდველის მიერ საამისოდ დანიშნული უფლებამოსილი პირები.

16.3. შემოწმების შედეგად გამოვლენილი ნებისმიერი ნაკლის ან დეფექტის შესახებ „შემსყიდველი“ დაუყოვნებლივ წერილობით აცნობებს „მიმწოდებელს“ წუნდების მიზეზების მითითებით.

16.4. გამოვლენილი დეფექტის ან ნაკლის აღმოფხვრასთან და ხელახალ შემოწმებასთან დაკავშირებული ხარჯების ანაზღაურება ეკისრება „მიმწოდებელს“, საქართველოს კანონმდებლობით დადგენილი წესით.

17. სხვა პირობები

17.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

17.2. მესამე პირთან ურთიერთობაში მხარეები მოქმედებენ საკუთარი სახელით, ხარჯითა და რისკით.

17.3. ხელშეკრულება შედგენილია ქართულ ენაზე, ოთხ ეგზემპლარად, რომელთაგან თითოეულს აქვს თანაბარი იურიდიული ძალა, სამი პირი ინახება შემსყიდველთან, ერთი - მიმწოდებელთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

17.4. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

17.5 ყველა დანართი და ხელშეკრულების დამატება, რომელიც ხელმოწერილია მხარეთა უფლებამოსილი წარმომადგენლების მიერ, ითვლება ხელშეკრულების განუყოფელ ნაწილად და სავალდებულოა შესასრულებლად.

17.6 მხარეები სრულად არიან პასუხისმგებელი მათ მიერ ხელშეკრულებაში მითითებული რეკვიზიტების სისწორეზე. რეკვიზიტების ცვლილების თაობაზე მეორე მხარეს ეცნობება წერილობით.

17.7 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელექტრონული ფოსტის საშუალებით, იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით. იმ შემთხვევაში თუ მხარისათვის შეტყობინების გადაცემა ვერ ხერხდება ხელშეკრულებაში აღნიშნულ მისამართზე იმის გამო, რომ მისამართი არასწორადაა მითითებული, შეტყობინება ჩაითვლება ჩაბარებულად და შეტყობინებაში მითითებული ვადების ათვლა განხორციელდება საფოსტო გზავნილის შესაბამის მისამართზე წარდგენის მომდევნო დღიდან.

18. მხარეთა იურიდიული მისამართები და რეკვიზიტები

„შემსყიდველი“

„მიმწოდებელი“

1. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი, თანამდებობა:

პრეტენდენტის იურიდიული და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება და კოდი:

ანგარიშის ნომერი:

2. სახელმწიფო შესყიდვების ერთიან ელექტრონულ სისტემაში შემოთავაზებული სატენდერო წინადადების ფასი:

ხელმოწერა: -----

ბ.ა.

ინფორმაცია 2013 წლის იანვრიდან ტენდერის გამოცხადების დღემდე
განხორციელებული ანალოგიური სამუშაოების შესახებ

№	შესყიდვის ობიექტის დასახელება	შემსყიდველის დასახელება	სახელშეკრულებო ღირებულება	ფაქტიურად შესრულებული სამუშაოს ღირებულება	სამუშაოს შესრულების პერიოდი
1					
2					

ხელმოწერა: -----

ბ.ა.

ინფორმაცია ტენდერში მონაწილის პერსონალის კვალიფიკაციისა და გამოცდილების შესახებ

№	გვარი, სახელი	თანამდებობა	დიპლომის მიღების თარიღი/ადგილი	დიპლომის №/ვის მიერ არის გაცემული	სპეციალობა დიპლომის მიხედვით	გამოცდილება (მიუთითეთ ობიექტი და/ან მუშაობის ადგილი, ვადები)
1.						
2.						
3.						
.						
.						
.						

ხელმოწერა: -----
ბ.ა.

ინფორმაცია სამუშაოს შესასრულებლად საჭირო მატერიალურ-ტექნიკური აღჭურვილობის შესახებ

№	დასახელება	აღწერა, მოდელი, მარკა	რაოდენობა	მდგომარეობა (ახალი, ნახმარი, ექსპლოატაციისთვის ვარგისი)	საკუთარი, იჯარით აღებული
1.					
2.					
3.					
.					
.					
.					

ხელმოწერა: -----
ბ.ა.

სამუშაოების წარმოების გეგმა-გრაფიკი

№	თვე/წელი	სამუშაოს დასახელება	ღირებულება (ლარი)
1		კურორტ გომისმთის წყალმომარაგების სისტემის მშენებლობა	
2		კურორტ გომისმთის წყალმომარაგების სისტემის მშენებლობა	
3		კურორტ გომისმთის წყალმომარაგების სისტემის მშენებლობა	
4		კურორტ გომისმთის წყალმომარაგების სისტემის მშენებლობა	
5		კურორტ გომისმთის წყალმომარაგების სისტემის მშენებლობა	
6		კურორტ გომისმთის წყალმომარაგების სისტემის მშენებლობა	
7		კურორტ გომისმთის წყალმომარაგების სისტემის მშენებლობა	
8		კურორტ გომისმთის წყალმომარაგების სისტემის მშენებლობა	
9		კურორტ გომისმთის წყალმომარაგების სისტემის მშენებლობა	
10			
11			
12			
სულ ჯამი:			

ხელმოწერა: -----

ბ.ა

.